

Ilani ya Faragha ya Tools for Humanity

Asante kwa kuchagua kuwa mmoja wa Jamii ya Worldcoin! Worldcoin ni teknolojia huria, inayoungwa mkono na jamii ya kimataifa ya watengenezaji programu, watu binafsi, na wachangiaji wengine.

Ilani hii ya Faragha inasimamia data unazotupatia kupitia matumizi yako ya tovuti, programu ("Programu"), mfumo wetu, na pia huduma nyingine zinazohusiana na Ilani hii ya Faragha (kwa pamoja, "Huduma"). Kauli hii ya Faragha imejumuishwa kwenye na inatawaliwa na [Sheria na Masharti ya Mtumiaji](#) ("Sheria za Mtumiaji"). Tools for Humanity Corporation ("TFH US"), pamoja na kampuni yake tanzu ya Ujerumani Tools for Humanity GmbH ("TFH Germany"; kwa pamoja, "TFH" au "sisi"), inachangia kwenye utengenezaji wa mwanzo wa mfumo wa Worldcoin ("Worldcoin").

1. Mdhibiti

Sisi ni wadhibiti data wa "Data zote za Programu ya World" na "Data nyingine za Biashara": Tools for Humanity Corporation, 548 Market Street, PMB 49951, San Francisco, CA 94104 USA. TFH ina kituo katika Umoja wa Ulaya (European Union, "EU") kupitia Tools for Humanity GmbH.

- "Data za Programu ya World" inamaanisha data zote za kibinafsi zilizokusanywa na kuchakatwa kupitia matumizi yako ya programu ya World App, kama ilivyobainishwa zaidi katika Sehemu ya 5 hapa chini, isipokuwa data zozote za kibinafsi zinazohusiana na matumizi yako ya mfumo wa Worldcoin au sarafu za Worldcoin (kama vile anwani yako ya pochi na data za miamala, ambazo hatukusanyi).
- "Data za biashara" inamaanisha data zote za kibinafsi zilizokusanywa na kuchakatwa kupitia njia nyingine za kampuni yetu wakati wa kuwasiliana au njia yoyote nyingine ya kushirikiana au kutangamana nasi kupitia barua pepe, mikutano kwa video au tovuti zetu.

2. Visasisho vya Ilani hii ya Faragha

Wakati mwingine tunasasisha Ilani hii ya Faragha. Tukifanya mabadiliko makubwa, kama vile jinsi tunavyotumia maelezo yako ya kibinafsi, basi tutakuarifu kupitia barua pepe au ujumbe katika Programu yako.

3. Nini kiko ndani ya Ilani hii ya Faragha?

- Jitihadi zetu za kulinda faragha yako na data zako
- Maelezo tunayokusanya na kwa nini
- Jinsi tunavyotumia data tunazokusanya
- Mahali ambako tunachakata data zako
- Wakati ambao tunashiriki data zako
- Jinsi data zako zinavyorekodiwa kwenye blockchain ya umma
- Jinsi tunavyotumia kuki
- Muda tunaohifadhi data zako
- Jinsi Kauli hii ya Faragha ilivyo tofauti kwa watoto na vijana
- Haki za kisheria ulizo nazo
- Jinsi ya kuwasiliana nasi kuhusu Kauli hii ya Faragha

4. Jitihadi Zetu za Kulinda Faragha yako na Data zako

Tunajitahidi kwa dhati kulinda faragha yako na kulinda data zako. Tunatambua kwamba tunaweza tu kutimiza misheni yetu ya

kusambaza sarafu zetu za Kidijitali kwa njia ya haki kwa watu wengi kadri iwezekanavyo ikiwa watu watakuwa na imani nasi, na faragha na usalama wa data ni jambo la msingi ili kupata imani yako.

Usiri

Tumebuni bidhaa na huduma haswa tukijali faragha yako. Tunakusanya data ili kuboresha bidhaa na huduma zetu. Daima tutakueleza, hapa kwenye Kauli hii ya Faragha au katika fomu za idhini ya data za bidhaa na huduma maalum, ni data gani tunazokusanya, na kwa ninitunakusanya data hizo, na tunachofanya na data hizo.

Usalama wa Data

Tumeteua timu ya kutunza data zako na tumeweka kinga halisia na za kielektroniki zinazolinda data zako zinaposafirishwa na zinapohifadhiwa. Wakati huo huo, hakuna huduma inayoweza kuwa salama kabisa. Ikiwa una wasiwasi zozote kuhusu akaunti yako au data zako, tafadhali wasiliana nasi kupitia [Lango letu la Maombi](#) au kwa kututumia barua kwa anwani Tools For Humanity Corporation, 548 Market Street, PMB 49951, San Francisco, CA 94104 USA.

5. Maelezo Tunayokusanya na Kwa Nini

5.1 Data Unazotupatia

Wewe kama mtumiaji, hauhitajiki kupatiana data zozote ili kufikia Programu. Hata hivyo, unaweza kuhitajika kutupatia data fulani ili uweze kutumia kipengele fulani ndani ya Huduma. Misingi ya kisheria ya kuchakata katika matukio yaliyo hapa chini ni idhini ya mtumiaji na utekelezaji wa mkataba (ahadi yetu ya kutoa Huduma). Hapa chini kuna orodha ya data unazoweza kupatiana na tunachoweza kufanya na data hizo:

- **Jina la kwanza na mwisho.** Unaweza kuchagua kuweka jina lako ili kulihusisha na akaunti yako. Sisi pamoja na watumiaji wengine huenda wakaona jina lako unapoamua kutangamana na akaunti yako. Huenda tukahitaji jina lako unapowasilisha ombi la data za mhusika. Misingi ya kisheria ya kuchakata data hizi ni utekelezaji Huduma chini ya Sheria za Mtumiaji.
- **Anwani ya barua pepe.** Unaweza kuchagua kuweka anwani yako ya barua pepe ili kuihusisha na akaunti yako. Pia tunaweza kupatiana anwani yako ya barua pepe ili usajilishwe kwenye orodha yeti ya mapasho ili usipitwe na jambo lolote kwenye mradi wa Worldcoin. Huenda tukahitaji anwani yao ya barua pepe unapowasilisha ombi la data za mhusika. Misingi ya kisheria ya kuchakata data hizi ni utekelezaji Huduma chini ya Sheria za Mtumiaji.
- **Nambari ya simu.** Unaweza kuchagua kuweka nambari yako ya simu ili kuihusisha na akaunti yako. Kwa kibali chako, watumiaji wengine wanaweza kutafuta akaunti yako kwa kutumia nambari yako ya simu. Tunaweza kuhitaji nambari ya simu unapowasilisha ombi la data. Misingi ya kisheria ya kuchakata data hizi ni utekelezaji Huduma chini ya Sheria za Mtumiaji.
- **Maoni na mawasiliano kutoka kwako.** Hii inajumuisha barua pepe zozote, ujumbe wowote, au mawasiliano mengine yoyote unayotumia kupitia barua pepe au tovuti za mitandao ya kijamii ya wahusika wengine. Tunaweza kutumia mtoa husuma mwingine ili kuwezesha utafiti kuhusu matumizi yako ya Huduma zetu. Misingi ya kisheria ya kuchakata data hizi ni utekelezaji Huduma chini ya Sheria za Mtumiaji.
- **Waasiliani kwenye kitabu cha waasiliani.** Unaweza kuruhusu Programu kufikia kitabu chako cha anwani ili kuwezesha kipengele ambacho kinakurahisishia kutafuta na kutangamana na watumiaji wengine ambao huenda wakawa katika kitabu chako cha anwani. Maelezo ya kitabu cha waasiliani yanasalia kwenye kifaa chako. Misingi ya kisheria wa kuchakata data hizi ni nia halali ya mhusika kupatikana ndani ya Programu na nia ya mtumiaji aneyeshiriki kupata waasiliani wake ndani ya Programu.

Tafadhali kumbuka: Una jukumu la kuhakikisha kwamba kusambaza maelezo yako ya mawasiliano kunaambatana na sheria husika. Hii inaweza kukuhitaji upewe ruhusa na waasiliani wako na hautasambaza kwa TFH maelezo yoyote ya mawasiliano kutoka kwa watu wengine bila idhini yao ya moja kwa moja. Unaweza kubadilisha uamuzi wako na kuondoa uwezo wetu wa kufikia waasiliani wako wakati wowote katika mipangilio ya kifaa chako. Ukichagua kuleta waasiliani katika kitabu cha anwani cha kifaa chako kwenye Programu ili kujua ni waasiliani wagani wanatumia Huduma zetu au ili kuwaalika wajiunge nawe katika kutumia Huduma zetu, mara kwa mara tutalandanisha nambari za simu za waasiliani wako na nambari hizo na anwani husiani za pochi zilizopatiwa na watumiaji wengine kwenye seva setu.

- **Maelezo ya Eneo.** Unaweza kuamua kuwezesha huduma inayotegemea eneo (kama vile kipengele kinachokuruhusu kumpata Mhudumu wa Orb aliyekaribu nawe). Tunaweza kukusanya maelezo kuhusu eneo lako kupitia GPS, anwani ya IP, maelezo ya mnara wa mitambo ya simu, au maelezo ya kituo cha Wi-Fi. Aina ya maelezo ya eneo yanayokusanywa inalingana na huduma unayotumia, kifaa unachotumia (kwa mfano, Apple au Android), na mipangilio ya kifaa chako (iwe vibali vimewezeshwa au kulemazwa). Unaweza kubadilisha vibali vyako wakati wowote katika mipangilio ya kifaa chako.
- **Data za Biashara.** Ikiwa una uhusiano wa kibiashara nasi (kama vile wewe ni Mhudumu wa Orb au mletaji wetu), basi tunaweza kuhitaji maelezo kama vile majina, anwani ya barua, barua pepe, nambari ya simu, anwani ya pochi, na nyaraka zingine (kama vile kitambulisho chako cha serikali) kama sehemu ya kuimarisha uhusiano huo wa kibiashara na ili kutimiza majukumu ya kumjua-mteja-wako. Tunaweza kutumia huduma za wahusika wengine, kama vile Onfido, ili kutusaidia kukusanya na kuhakiki maelezo na nyaraka zilizotajwa hapa juu ili kutimiza majukumu ya kumjua-mteja-wako.
- **Soko la P2P.** Ikiwa unatumia Huduma za Soko la P2P (zinakopatikana) ambazo zinakuwezesha kununua sarafu za kidijitali kutoka kwa watumiaji wengine, basi tunaweza kuchukua maelezo ya ziada kama vile anwani yako ya pochi, maelezo yako ya mawasiliano, na nambari ya akaunti yako inayohusishwa na muamala (kama vile nambari yako ya M-PESA). Tunarekodi data za muamala kama sehemu ya kutoa Huduma za Soko la P2P. Pia tunaweza kuchukua maelezo ya ziada ili kuambatana na mahitaji husika ya KYC.
- **Metadata za kifaa.** Ikiwa unatumia Programu tunakusanya metadata kutika kwenye kifaa chako ili kuhakikisha kwamba Programu inafanya kazi vizuri na kwamba haukiuki Sheria na Masharti yetu. Hii inajumuisha kukusanya vitambulishi vya kifaa na anwani za IP.
- **Data za World ID za Kifaa.** Pia tunachakata metadata za kifaa chako ili kutathmini utambulisho wa kipekee wa kifaa. Msimbo wa utambulisho huu unatumika kama ishara inayothibitisha ubinafsi wako unapotumia World ID ya kifaa.
- **Data za utumaji ombi.** Ikiwa ungependa kufanya kazi nasi ni lazima ututumie ombi lako linalojumuisha barua ya kujieleza pamoja na CV na vile vile maelezo ya kibinafsi ambayo ungependa kufichua.

Unaweza kupata msingi wa kisheria wa uchakataji kwa kila shughuli ya kuchakata data hapa juu kwa kina kwenye **AMBATISHO LA I – Malengo ya kisheria ya shughuli za Tools for Humanity za kuchakata data kwa kila eneo la mamlaka** mwishoni mwa kauli hii ya faragha.

5.2 Data Tunazokusanya Kutoka Kwa Vyanzo Vingine

Mara kwa mara, huenda tukapata maelezo kukuhusu wewe kutoka kwa vyanzo vingine vifuatavyo:

- **Data za Blockchain.** Tunaweza kuchambua data za blockchain ya umma ili kuhakikisha kwamba watu wanaotumia Huduma zetu hawajihusishi katika shughuli haramu au zilizopigwa marufuku chini ya Sheria za Mtumiaji, na ili kuchambua mitindo ya miamala kwa madhumuni ya utafiti na utengenezaji.
- **Huduma za Uthibitishaji Utambulisho.** Tunaweza kupata maelezo kutoka kwa huduma za wahusika wengine kwa kutumia data zako ili kuthibitisha utambulisho wako ikiwa inahitajika na sheria (kama vile mahitaji husika ya kumjua-mteja-wako). Ili kufafanua, **hatutumii** data zako za bayometriki tunapothibitisha utambulisho wako kama inavyohitajika na sheria.
- **Hifadhidata za talanta.** Huenda tukakusanya data kutoka kwa vyanzo mbali mbali ili kupeana kazi kwa watu walio na talanta.

5.3 Data Tunazokusanya Kiotomatiki

Tukiruhusiwa chini ya sheria husika, tunaweza kukusanya aina fulani za data kiotomatiki unapotumia Huduma zetu. Maelezo haya yanatusaidia kuangazia masuala ya uhudumiaji wateja, kuimarisha utendakazi wa Huduma, kukupa huduma fanisi na ya kibinafsi, na ili kulinda maelezo ya kuingia kwenye Akaunti yako. Maelezo yanayokusanya kiotomatiki yanajumuisha:

- **Vitambulishi vya Mtandaoni:** Maelezo ya eneo la kijiografia (tazama hapa juu), mfumo msingi wa uendeshaji kompyuta au simu tamba, jina na toleo la kivinjari, na anwani za IP. Katika matukio chache sana data hizi pia zinawekwa katika rekodi yetu ya ugundujaji ulaghai na mtiririko haramu wa fedha. Pia vinahudumu kama njia ya kutoa huduma iliyostawi na bila ulaghai ya maunzitepe yetu.

- **Data za Matumizi:** Data za uthibitishaji, maswali ya kiusalama, na data nyingine zilizokusanywa kupitia kuki na teknolojia sawa.
- **Kuki:** faili ndogo za data zinazohifadhiwa kwenye hifadhi yako au kwenye kumbukumbu ya kifaa chako zinazotusaidia kuimarisha Huduma zetu na hisia zako, kuona ni maeneo na vipengele gani vya Huduma zetu ni maarufu, na kuhesabu mara unayotembelea Huduma. Ili kupata misingi ya kisheria ya kuchakata data hizo tafadhali rejelea [Sera yetu ya Kuki](#) ambapo tumeelezea aina tofauti ya kuki tunazotumia.

Hivyo hivyo, Programu inakusanya maelezo kwa ajili ya usuluhishaji matatizo na uimarishaji. Tunatumia huduma za wahusika wengine, kama vile Segment.io au PostHog, ili kufanya makadirio ya maelezo kuhusu matumizi ya watumiaji. Inapowezekana, tunachukua hatua ili kupunguza au kuficha maelezo yanayotumwa kwa wahusika wengine (kama vile kusimba data).

5.4 Data Bila Utambulisho na Zilizokadiriwa

Uondoaji utambulisho ni mbinu ya kuchakata data ambayo inageuza data kutozingatiwa kama data za kibinafsi kwani baada ya utambulisho kuondolewa data hizo haizwezi tena kuhusishwa na mtu fulani binafsi. Mifano ya data bila utambulisho zinajumuisha:

- Data za miamala
- Data za ubonyezaji maeneo ya skrini
- Metriki za utendakazi
- Vigundua ulaghai (ingawa data za kibinafsi zinatumiwa kwa malengo haya, pia)

Pia tunakadiriwa data, kwa kuunganisha pamoja viwango vikubwa vya maelezo ili yasimtambulishwe tena wala kumrejelea mtu binafsi. Tunaweza kutumia data bila utambulisho au zilizokadiriwa kwa madhumuni yetu ya kibiashara, kama vile kuelewa mahitaji na tabia za watumiaji, kuimarisha Huduma zetu, kufanya shughuli za umaizi na uuzaji wa kibiashara. kugundua hatari za kiusalama, na kufunza teknolojia zetu.

Misingi wa kisheria wa kuchakata data zilizotajwa hapa juu ni nia halali ya kuwa na programu au tovuti inayofanya kazi, dhana za kibiashara na uzuiaji ulaghai.

6. Jinsi Tunavyotumia Data Tunazokusanya

Ni lazima tuwe na sababu halali (au “msingi wa kisheria wa kuchakata”) ya kutumia maelezo yako za kibinafsi. Katika baadhi ya matukio, matumizi ya maelezo yako ya kibinafsi hayahitaji idhini yako ya mapema. Tunatumia data zako kwa malengo yafuatayo pekee:

- Kutoa na kudumisha bidhaa na huduma zetu chini ya Sheria za Mtumiaji. Huduma hizi zinajumuisha:
 - Programu ambapo watumiaji wanaweza kudhibiti World ID yao na sarafu zake za kidijitali na pia kujifunza kuhusu sarafu za kidijitali kwa ujumla na mradi wa Worldcoin haswa;
 - Programu ya Mhudumu ambapo Wahudumu wa Orb wanaweza kudhibiti na kusimamia vifaa vyao vya Orb na takwimu za vifaa hivyo;
 - Soko la P2P ambapo tunawaunganisha watumiaji pamoja na maajenti;
- Kuimarisha na kutengeneza bidhaa na huduma zetu, ikijumuisha kuondoa hitilafu na kukarabati kasoro kwenye Huduma zetu.
- Kufanya utafiti wa sayansi ya data.
- Kuchambua matumizi yako ya Huduma zetu ili kukupa usaidizi bora.
- Kukuwezesha kuchapisha maelezo kwenye blockchain ili kuthibitisha wewe ni mtu binafsi.
- Kutumia anwani ya pochini lako ili kukutumia sarafu za kidijitali ambazo tunahusika nazo.
- Kuambatana na sheria husika kama vile sheria na vikwazo vya dhidi ya utakatishaji pesa. Hii inajumuisha:
 - Kutumia anwani yako ya IP ili kuwazuia watu binafsi kutoka mataifa au nchi zilizopigwa marufuku kutumia Huduma;

- Kujibu maombi ya mmiliki data chini ya sheria husika za ulindaji data kama vile maombi ya kufikia au kufuta data;
- Kufuatilia mitiririko ya fedha ambazo zinaweza kuwa chafu k.m. anwani zilizowekwa kwenye orodha nyeusi; na
- Kushughulikia maombi ya huduma, malalamishi na maswali yako kama mteja.
- Kusuluhisha migogoro, kutatua masuala, na kutekeleza makubaliano yetu nawe, pamoja na Ilani hii ya Faragha na Sheria za Mtumiaji.
- Kuwasiliana nawe kuhusiana na visasisho kwenye Huduma.

7. Mahali Ambako Tunachakata Data Zako

7.1 Utumaji Data.

Unapotupatia data zako, huenda zikatumwa, kuhifadhiwa, au kusindikwa katika eneo nje ya mahali ambako data zako zilikusanywa. Nchi ambako data zako zinatumwa, kuhifadhiwa, au kusindikwa huenda zikawa hazina sheria za ulindaji data ambazo ni sawa na zile za nchi ambako ulikuwa wakati ulipatia data.

Tunafanya juhudi bora zaidi ili kuambatana na misimamo iliyotajwa katika kila eneo la mamlaka kuhusiana na sheria za faragha. Tunaambaza tu data na wachakataji data walio nje ya eneo lako la mamlaka ikiwa utumaji huo wa data ni wa kisheria na ikiwa tuna imani kwamba mchakataji data huyo atalinda data zako kama inavyohitajika chini ya sheria husika na, aidha, kwa kuambatana na viwango vyetu.

7.2 Hatari Zinazoweza Kukumba Utumaji Data

Hapa chini ni orodha ya hatari zinazoweza kutokea tunapotuma data zako hadi Marekani, Umoja wa ulaya, au nchini nyingine. Hapa chini pia tumeweka muhtasari wa jinsi ya kuzuia hatari husika.

- Tunapofanya kadri tuwezayo ili kuhakikisha kwamba wakandarasi wetu wanajukumu kimkataba la kulinda data zako vya kutosha, wakandarasi hawa huenda wasiwe chini ya sheria za faragha ya data za nchi yako. Wakandarasi wakichakata data zako kwa njia isiyo ya kisheria bila idhini, basi huenda ikawa vigumu kudai haki zako za faragha dhidi ya wakandarasi hao. Tunazuia hatari hii kwa kuwa na makubaliano dhabiti ya uchakataji data na wakandarasi wetu ambayo inawabidi kulinda data kwa kiwango cha GDPR na kutimiza maombi ya mhusika.
- Kuna uwezekano kwamba sheria ya faragha ya data nchini mwako haiendanishi na sheria za faragha ya data nchini Marekani, au katika EU. Daima tutajaribu kuambatana na kiwango cha juu zaidi cha ulindaji data ambacho tunatumia.
- Kuna uwezekano kwamba data zako zitaweza kufikia na maafisa au mamlaka za kiserikali. Katika matukio hayo tumejitayarisha kupinga mahakamani ombi lolote la kiserikali la kufikia data ambalo si halali, linapita mipaka, au si la kisheria. Aidha tunatumia usimbaji wa hali ya juu ili kuzuia ufikiaji bila idhini.

Tafadhali kumbuka kwamba orodha hii ina mifano, lakini huenda haijajumuisha hatari zote zinazoweza kukumba.

8. Wakati ambao Tunashiriki Data Zako

Hatutawahi kuuza data zako.

Wakati ambapo tunasambaza data zako nje ya shirika letu, kila wakati:

- Tunazishiriki kwa njia salama;
- Kuchukua hatua kuhakikisha kwamba inashughulikiwa kwa njia ambayo inaendanisha na jitihada zetu kwa faragha yako; na
- Tunazuia kampuni zingine kutozitemia kwa malengo yao binafsi.

Tunasambazai data zako kwa njia hizi chache:

- **Tunazambazia Asasi ya Worldcoin:** Tunaweza kutenda kama wachakataji wa Asasi ya Worldcoin wa data za kibinafsi kwa niaba ya Worldcoin (tafadhali tazama kauli ya faragha ya Worldcoin ili kupata maelezo zaidi).

- **Kusambaza ndani ya shirika letu:** Tunafichua tu data kwa wanatimu wetu ambao wanahitaji kuzifikia ili kuweza kufanya kazi na majukumu yao. Tunafichua tu kiwango cha data ambacho kinahitajika ili kufanya kazi na majukumu fulani na kuwa na mfumo ulio na udhibiti mkali wa ufikiaji.
- **Kusambaza kwa wachuuzi na watoa huduma nje ya shirika letu:** Tunafichua tu data kwa watoa huduma ambao huduma zao tunazitegemea ili kuchakata data na kukupa Huduma zetu. Tunafichua tu data kwa wachuuzi wa huduma ya uthibitishaji utambulisho ikiwa inahitajika na Sheria (yaani, mahitaji-ya-kumjua-mteja-wako).
- kategoria za watoa huduma hao ni:
- Watoa huduma ya wingu (aina zote za data)
- Watoa bidhaa za SaaS; tunatumia bidhaa za SaaS katika kategoria zifuatazo:
 - Menejimenti ya hifadhidata na miundombinu
 - Usalama wa Data
 - Uteuzi
 - Mawasiliano
 - Utafiti
 - KYC/KYB yaani. kukagua hati rasmi
 - Menejimenti ya maombi ya data
 - Usaidizi wa kiufundi
 - Huduma kwa watumiaji
- Wataalamu wa nje
 - Watengenezaji maunzitepe maalum
 - Wataalamu wa kisheria
 - Wasgauri wa ushuru
- Benki
- Watoa huduma ya kuweka lebo (chini ya ulinzi maalum pekee)
- Huduma za ukaguaji historia za watumaji maombi na Wahudumu wa Orb
- **Kwa watekelezaji sheria, maafisa, au wahusika wengine:** Tunaweza kufichua data zako ili kuambatana na sheria husika na kutii mahitaji ya lazima ya kisheria. Kwa uangalifu tunazingatia kila ombi ili kubaini kana kwamba ombi hilo linaambatana na sheria na, panapofaa, tunaweza kupinga maombi ambayo si halali, yanayopita mpaka, au yasiyo ya kisheria. Tunaweza kushiriki data za kibinafsi na polisi na mamlaka nyingine za serikali ambapo tunaamini ni muhimu ili kuambatana na sheria, kanuni au mchakato au jukumu nyingine la kisheria.
- Tunaweza kushiriki maelezo yako ya kibinafsi ikiwa tunaamini kwamba matendo yako hayaendanishi na Sheria zetu za Mtumiaji, ikiwa tunaamini kwamba umekiuka sheria, au ikiwa tunaamini kwamba ni muhimu ili kulinda haki zetu, mali yetu, na usalama wetu, watumiaji wetu, umma, na wengine.
- Tunaweza kushiriki maelezo yako ya kibinafsi na mawakili wetu na washauri wengine wataalamu ambapo ni muhimu ili kupata ushauri au vinginevyo kulinda na kudhibiti bia zetu za kibiashara.
- Tunaweza kushiriki maelezo yako ya kibinafsi kuhusiana, au wakati wa majadiliano kuhusiana na, ununuzi wowote, mali ya kampuni kuuzwa, ufadhili, au sehemu ya biashara au biashara yote kununuziwa na kampuni nyingine.

- Data, ikijumuisha maelezo yako ya kibinafsi, zinaweza kushirikiwa miongoni mwa kampuni mzazi, washirika, na kampuni tanzu za siku zijazo na kampuni nyingine chini ya udhibiti na umiliki wa pamoja.
- Tunaweza kushiriki maelezo yako ya kibinafsi kwa idhini yako au kwa maagizo yako.

9. Jinsi Data Zako Zinavyorekodiwa kwenye Blockchain ya Umma

Maelezo ya miamala yanayohusiana na matumizi yako ya Huduma zetu yanaweza kurekodiwa katika blockchain ya umma.

Tafadhali kumbuka: Blockchain ni rekodi ya hadgharani ya miamala ambazo zinadumuishwa kwenye mitandao isiyo na mamlaka kuu inayoendeshwa na wahusika wengine ambayo haidhibitiwi wala kuendeshwa na Worldcoin. Kwa ajili ya hali ya rekodi za blockchain kuwa za umma na zisizoweza kubadilishwa, hatuwezi kutoa hakikisho la uwezo wa kurekebisha, kufuta, wala kudhibiti ufichuaji wa data zilizopkiwa na kuhifadhiwa kwenye blockchain

10. Jinsi Tunavyotumia Kuki

Tunatumia kuki ili kusaidia Huduma zetu kufanya kazi vyema zaidi. Kando na kuki, tunaweza kutumia teknolojia nyingine sawa na hiyo, kama vile web beacons, ili kuwafuatilia watumiaji wa Huduma zetu. Web beacons, (pia zinaitwa "clear gifs") ni grafiki ndogo sana zilizo na kitambulishi cha kipekee, zilizo na utendaji sawa na kuki. [Sera yetu ya Kuki](#), imejumuishwa hapa kama rejeleo.

Pia tunatumia huduma ya Google Analytics. Maelezo mengi zaidi kuhusu jinsi Google inavyotumia data zako unapotumia tovuti na programu za wabia wake: <https://policies.google.com/technologies/partner-sites>. Kwa kutumia Huduma hizi, unatuidhinisha kuhifadhi na kufikia kuki na data nyingine kwenye kompyuta yako au kifaa chako tamba na kutumia huduma ya Google Analytics kuhusiana na shughuli hizo. Tafadhali soma maelezo yaliyo kwenye kiungo kilichopatiwa ili uelewe unachoidhinisha.

11. Tunahifadhi Data Zako Kwa Muda Gani?

Isipokuwa iwe imetajwa vinginevyo na sheria husika, tunahifadhi data zako kwa muda ambao unahitajika ili kukupa Huduma zetu, kutimiza malengo yetu ya kibiashara, na kuambatana na majukumu yetu ya kisheria na kiudhibiti. Ukifunga akaunti yako, tutafuta data za akaunti yako ndani ya mwezi mmoja; vinginevyo tutafuta data za akaunti yako baada ya miaka 2 ya kukosa shughuli. Ikiwa inahitajika na sheria, tutaendelea kuhifadhi data zako za kibinafsi kadri inavyohitajika ili kuambatana na majukumu yetu ya kisheria na kiudhibiti, pamoja na kufuatilia, kugundua, na kuzuia ulaghai, na pia majukumu ya ripoti za ushuru, uhasibu, na kifedha.

Tafadhali kumbuka: Blockchain ni mitandao ya wahusika wengine ambayo hatudhibiti wala kuendesha. Kwa ajili ya hali ya teknolojia ya blockchain kuwa ya umma na isiyoweza kubadilishwa, hatuwezi kurekebisha, kufuta, wala kudhibiti ufichuaji wa data zilizohifadhiwa kwenye blockchain.

12. Jinsi Ilani hii ya Faragha ilivyo Tofauti kwa Watoto na Vijana

Watu chini ya umri wa miaka 18 hawaruhusiwi kutumia Huduma, na hatukusanyi data kutoka kwa watu walio na umri wa chini ya miaka 18. Ikiwa unaamini kwamba mtoto wako aliye chini ya umri wa miaka 18 amefikia Huduma bila kibali chako, unaweza kuomba data zake kufutwa kwa kuwasiliana nasi kupitia [Lango letu la Maombi](#).

Tukijua kwamba tumekusanya data kumhusu mtoto chini ya umri wa miaka 18, tutafuta data hizo haraka iwezekanavyo. Tumechukua hatua kama vile kuweka teknolojia ya AI ya kugundua umri kiotomatiki, maagizo kwa wahudumu na uthibitisho wa mtu binafsi ili kuweka vikwazo matumizi ya Huduma kwa watu walio na umri wa angalau miaka 18. Hatutengenezi bidhaa au huduma za sokoni kwa ajili ya watoto.

14. Jinsi ya Kuwasiliana Nasi kuhusu Ilani hii ya Faragha

Pia unaweza kuchagua kufuta data zako kutoka kwenye ndani ya Programu chini ya menu ya Mipangilio. Ikiwa una maswali au wasiwasi zozote kuhusu Ilani hii ya Faragha, ungependa kutumia haki zako, au kuwasiliana na Afisa wa Ulinzi wa Data, tafadhali wasilisha ombi lako kupitia [Lango letu la Maombi](#) au kwa kutumia barua kwa anwani Tools For Humanity Corporation, 548 Market Street, PMB 49951, San Francisco, CA 94104 USA. Tutajibu maombi yote tunayopokea kutoka kwa watu wanaotaka kutumia haki zao za ulindaji data kulingana na sheria husika za ulindaji data. Pia unaweza kufuta data zako kutoka kwenye ndani ya Programu.

Ikiwa una wasiwasi zozote za faragha au matumizi data ambazo hazijasuluhishwa na ambazo hazikushughulikiwa mpaka ukaridhika,

tafadhali wasiliana na mdhibiti ulinzi wa data katika eneo lako. Ikiwa unaishi EU, basi unaweza kupata mdhibiti ulinzi wa data wako [hapa](#).

15. Haki Zako

Haki hizi zinatumiwa pale tu ambapo tunaweza kumtambulisha mwombaji katika hifadhidata yetu na pale tu ambapo hatukiuki haki zingine za mmiliki data kwa kutekeleza haki za mwombaji:

- Una haki ya kupata kutoka kwetu wakati wowote baada ya kutuma ombi maelezo kuhusu data za kibinafsi tunazochakata kukuhusu. Una haki ya kupata kutoka kwetu data za kibinafsi zinazokuhusu.
- Una haki ya kuagiza kwamba mara moja tusahihishe data za kibinafsi zinazokuhusu ikiwa si sahihi.
- Una haki ya kuagiza kwamba tufute data za kibinafsi zinazokuhusu. Mahitaji haya yanaonyesha haki ya kufutwa ikiwa data za kibinafsi si muhimu tena kwa madhumuni ambayo ilifanya zikusanywe au kuchakatwa, mradi mahitaji ya kufuta chini ya sheria husika yamebainishwa (k.m. sheria kadhaa za maeneo ya mamlaka zinatuhitaji kuhifadhi maelezo ya miamala kwa kipindi fulani cha muda)
- Una haki ya kuondoa kwa hiari idhini yako ya uchakataji wowote wa data kwa idhini au kukataa uchakataji wa data ikiwa si kwa idhini.

16. HATI ZA NYONGEZA

Ifuatayo, hati kadhaa za nyongeza zinatoa maelezo yanahitajika kisheria kwa masoko husika ambapo tunaendesha shughuli. Maelezo haya ni sehemu ya idhini kulinga ana eneo ambapo mmiliki data anaishi. Maelezo haya yanaweza kutofautiana na maelezo ya eneo lako kwa sababu tunazuilia huduma fulani katika maeneo fulani ya mamlaka. Endapo kuna tofauti na yaliyo hapa juu kauli maalum kuhusu eneo fulani la mamlaka inatumika:

Nyongeza ya A: Eneo la Kiuchumi la Ulaya (“EEA”) na Uingereza (“UK”)

Ikiwa upo katika EEA au UK yafuatayo yanatumika kwako: Una angalau haki zifuatazo. Unaweza kuwa na haki za ziada chini ya Kanuni Jumla za Ulinzi wa Data, Kanuni ya EU ya 2016/679 ya 27.04.2016 (“GDPR”) kama ilivyoorodheshwa hapa chini. Ili kutumia haki zako zinazopatikana chini ya GDPR, tafadhali wasiliana nasi kwenye [Lango letu la Maombi](#). Kando na matukio ya kipekee, tutajibu ombi lako ndani ya makataa ya kisheria ya mwezi mmoja. Matumizi ya neno GDPR katika sehemu ifuatayo pia yanajumuisha UK-GDPR iliyojumuishwa katika sheria za kitaifa za Uingereza kama Sheria ya UK ya Ulinzi wa Data ya 2018 na kuhifadhiwa kama sehemu ya sheria za Uingereza na Wales, Scotilandi na Ayalandi Kaskazini kwa [Sehemu ya 3](#) ya sheria ya European Union (Withdrawal) Act 2018 na kama ilivyorekebishwa na [Schedule 1](#) kwenye Data Protection, Privacy and Electronic Communications (Amendments etc) (EU Exit) Regulations 2019 (SI 2019/419).

A.1 Haki za kisheria chini ya GDPR

Sehemu hii inatumika ikiwa uchakataji data zako upo chini ya wigo wa matumizi ya GDPR (*k.m.*, ikiwa wewe ni mkaazi katika EEA au nchini UK). Huenda ikawa una haki za ziada chini ya GDPR kama ilivyoorodheshwa hapa chini. Ili kutumia haki zako zinazopatikana chini ya GDPR, tafadhali wasiliana nasi kwenye [Lango letu la Maombi](#).

- Una haki ya kupata kutoka kwetu wakati wowote baada ya kutuma ombi maelezo kuhusu data za kibinafsi tunazochakata kuhusiana na ndani ya wigo wa Kifungu cha 15 cha GDPR.
- Una haki ya kuagiza kwamba mara moja tusahihishe data za kibinafsi zinazokuhusu ikiwa si sahihi.
- Una haki, chini ya hali zilizoelezwa katika Kifungu cha 17 cha GDPR, kuagiza kwamba tufute data za kibinafsi zinazokuhusu. Mahitaji haya yanaonyesha haki ya kufutwa ikiwa data za kibinafsi si muhimu tena kwa madhumuni ambao ilifanya zikusanywe au kuchakatwa, na pia katika matukio ya uchakataji usio wa kisheria, uwepo wa pingamizi au uwepo wa jukumu la kufuta chini ya sheria la Umoja au sheria ya Jimbo kwa ambayo tupo chini yake.
- Una haki ya kuagiza kwamba tuwekee vikwazo uchakataji kulingana na Kifungu cha 18 cha GDPR.
- Una haki ya kupokea kutoka kwetu data za kibinafsi zinazokuhusu ambazo umetupatia kwa umbizo sambamba, linalotumika

kwa kawaida, na linalosomeka na mashine kulingana na Kifungu cha 20 cha GDPR.

- Wakati wowote, kwa misingi inayohusiana na hali yako haswa, una haki ya kupinga uchakataji wa data za kibinafsi zinazokuhusu ambao umefanywa, na kadhalika, kwa misingi ya Kifungu cha 6 (1) sentensi ya 1, eneo la f kwenye GDPR, kulingana na Kifungu cha 21 cha GDPR.
- Una haki ya kuwasiliana na mamlaka adilifu ya usimamizi endapo kutakuwa na malalamishi kuhusu uchakataji data unaofanywa na mdhibiti. Mamlaka ya usimamizi inayowajibika ni: the Bavarian State Office for Data Protection Supervision (Bayerisches Landesamt für Datenschutz).
- Ikiwa uchakataji wa data za kibinafsi unategemea idhini yako, una haki chini ya Kifungu cha 7 cha GDPR una haki ya kughairi idhini yako ya matumizi ya data zako za kibinafsi wakati wowote katika siku zijazo, ambapo kughairi huku ni rahisi kufanya kama ilivyo kuwa rahisi kupatiana idhini. Tafadhali kumbuka kwamba kughairi kunaathiri tu siki zijazo. Uchakataji uliofanyika kabla ya kughairi hauathiriki.

A.2 Utumaji Data

- Tunapotuma data hadi kwenye nchi ambayo hatuna uamuzi wa utoshelevu, tunatumia EU Standard Contractual Clauses (Vipengee vya Kimkataba vya Kawaida vya EU). Kwa sasa tunatumia tu data za kibinafsi hadi Marekani.
- Ikiwa uchakataji wa data za kibinafsi unategemea idhini yako, una haki chini ya Kifungu cha 7 cha GDPR una haki ya kughairi idhini yako ya matumizi ya data zako za kibinafsi wakati wowote katika siku zijazo, ambapo kughairi huku ni rahisi kufanya kama ilivyo kuwa rahisi kupatiana idhini. Tafadhali kumbuka kwamba kughairi kunaathiri tu siki zijazo. Uchakataji uliofanyika kabla ya kughairi hauathiriki. Tafadhali pia kumbuka kwamba kuchakata hayo hakutegemei idhini na hivyo hakuathiriki na uondoaji idhini.

NYONGEZA YA B: JAPANI

Ikiwa unaishi Japani, aidha, yafuatayo yanatumika kwako.

B1. Maelezo Kuhusiana na Kanuni za Japani

Tunaambatana na sheria na kanuni za Japani, pamoja na Sheria Japani ya Ulinzi wa Maelezo ya Kibinafsi (Act on the Protection of Personal Information, "APPI"). Sehemu hii inatumika katika jinsi tunavyoshughulikia "maelezo ya kibinafsi" kama ilivyobainishwa katika APPI kwa pamoja na sehemu nyingine za Fomu hii ya Idhini ya Data za Bayometriki

B2. Kusambaza Data

Bila kujali Sehemu ya 3.5 ya Fomu hii ya Idhini ya Data za Bayometriki, isipokuwa iwe imeruhusiwa vinginevyo na sheria husika, hatufichui, kuuza, kupatiana, kusambaza, wala kutuma maelezo yako ya kibinafsi kwa mhusika yeyote mwingine.

B3. Hatua za Udhhibiti wa Kiusalama

Kulingana na Sehemu ya 3.6 ya Fomu hii ya Idhini ya Data za Bayometriki, tunachukua hatua hitajika na mwafaka ili kuzuia uvujaji, au upotezaji, au uharibifu wa maelezo yako ya kibinafsi yanayoshughulikiwa, na pia kudumisha usalama wa maelezo ya kibinafsi, kama vile kwa kuweka sheria za kushughulikia maelezo ya kibinafsi, ufuatiliaji wa mara kwa mara, mafunzo ya mara kwa mara kwa waajiriwa katika kushughulikia maelezo ya kibinafsi, uzuiaji wizi au upotezaji wa vifaa vinavyotumika kushughulikia maelezo ya kibinafsi, na utekelezaji wa vidhibiti vya ufikiaji. Pia tunazimamia ipasavyo wakandarasi na waajiriwa wetu wanaoshughulikia maelezo ya kibinafsi.

B4. Maelezo ya Marejeleo kuhusu Upeanaji wa Data za Kibinafsi kwa Wahusika Wengine katika Nchi za Kigeni

Data zako za kibinafsi zinachakatwa katika EU na Marekani.

B5. Haki za Kisheria chini ya APPI

Ili kutumia haki zako zinazopatikana chini ya APPI tafadhali wasiliana nasi kwenye [Lango letu la Maombi](#).

NYONGEZA YA C: AJENTINA

Ikiwa makazi yako ni Jamhuri ya Ajentina, tunakufahamisha kwamba SHIRIKA LA UFIKIAJI WA MAELEZO YA HADHARANI, kwa uwezo wake kama Shirika la Udhhibiti la Sheria Na. 25,326, lina mamlaka ya kusikia malalamishi na madai yaliyoandikishwa na wale ambao haki zao zimeathiriwa na kukosa kuambatana na sheria zilizowekwa kuhusiana na ulinzi wa data za kibinafsi.

Shirika hili linaweza kufikiwa kama ifuatavyo:

Anwani: Av. Pte. Gral. Julio A. Roca 710, 5th floor - Autonomous City of Buenos Aires

Postal Code: C1067ABP

Nambari ya simu: (54-11) 3988-3968

Barua pepe: datospersonales@aaip.gob.ar

NYONGEZA YA D: SINGAPOO

Ikiwa wewe ni mkaazi wa Singapoo yafuatayo yanatumika kwako:

D1. Ukusanyaji, matumizi na ufichuaji wa data zako za kibinafsi

Ikiwa wewe ni mkaazi wa Singapoo na kwa idhini yako, tutakusanya, kutumia na vinginevyo kufichua data zako za kibinafsi kwa ajili ya kila moja ya malengo yaliyobainishwa kwenye kauli yetu ya faragha. Unaweza kutumia haki yako ya kuondoa idhini yako wakati wowote, lakini tafadhali kumbuka kwamba huenda tunashindwa kuendelea kukupa huduma zetu kulingana na hali na wigo wa ombi lako. Tafadhali pia kumbuka kwamba kuondoa idhini hakuathiri haki yetu ya kuendelea kukusanya, kutumia na kufichua data za kibinafsi pale ambapo ukusanyaji, matumizi na ufichuaji huo bila idhini unaruhusiwa au unahitajika chini ya sheria husika.[1]

D2. Kutumia haki zako kama mmiliki data

Unaweza kudhibiti data za kibinafsi ambazo tumekusanya na kutumia haki zozote kwa kuwasiliana nasi kwenye [Lango letu la Maombi](#). Tunalenga kujibu ombi lako punde iwezekanavyo, kwa kawaida ndani ya siku 30. Tutakufahamisha mapema ikiwa hatujaweza kujibu ombi lako ndani ya siku 30, au ikiwa hatuwezi kutimiza ombi lako na sababu kwa nini.[2]

Inaparuhusiwa na sheria, tunaweza kukutoza ada ya kiutawala ili kutimiza ombi lako.

D3. Kutuma data zako za kibinafsi hadi nchi zingine

Ikiwa wewe ni mkaazi wa Singapoo na tumekusanya data zako, tunaweza pia kutuma data zako nje ya Singapoo mara kwa mara. Hata hivyo, kila wakati tutahakikisha data zako za kibinafsi zinaendelea kupokea kiwango cha ulinzi ambacho kinafanana na ulinzi unaotolewa na Sheria ya Singapoo ya Ulinzi wa Data za Kibinafsi ya 2012, kama vile kupitia matumizi ya ASEAN Model Contractual Clauses.

NYONGEZA YA E – KOREA KUSINI

Hati hii ya Nyogeza ya Wamiliki Data Wakorea inaelezea mazoea yetu kuhusiana na maelezo ya kibinafsi tunayochakata kuhusiana na uhusiano wako nasi ambapo wewe ni mmiliki data Mkorea.

E.1 – Kutuma Maelezo ya Kibinafsi

Tunapatiana maelezo ya kibinafsi au kupeana kazi ya kuchakata maelezo ya kibinafsi kwa wahusika wengine kama ilivyobainishwa hapa chini:

- Kupeana Maelezo ya Kibinafsi kwa Wahusika Wengine

Jina la Mpokeaji (ikiwa mpokeaji ni kampuni basi jina na maelezo ya mawasiliano ya kampuni)	Malengo ya matumizi ya mpokeaji	Vipengee vya maelezo ya kibinafsi vya kutumwa kwa mpokeaji	Vipindi vya kuhifadhiwa na mpokeaji	Nchi ambako Maelezo ya Kibinafsi Yatatumwa na Tarehe, Saa,
---	---------------------------------	--	-------------------------------------	--

				Mbinu za Kutuma
Tools for Humanity GmbH (dpo@toolsforhumanity.com)	Malengo yaliyoelezewa katika kauli hii katika sehemu ya 6 hapa juu.	Malengo yaliyoelezewa katika kauli hii katika sehemu ya 5 hapa juu.	Malengo yaliyoelezewa katika kauli hii katika sehemu ya 11 hapa juu.	Ujerumani Kupitia mitandao husiani baada ya kukusanywa
Tools for Humanity Corp. (dpo@toolsforhumanity.com)	Malengo yaliyoelezewa katika kauli hii katika sehemu ya 6 hapa juu.	Malengo yaliyoelezewa katika kauli hii katika sehemu ya 5 hapa juu.	Malengo yaliyoelezewa katika kauli hii katika sehemu ya 11 hapa juu.	Marekani Kupitia mitandao husiani baada ya kukusanywa

- Kupeana Kazi ya Kuchakata Maelezo ya Kibinafsi kwa Wahusika Wengine:

Tafadhali pata orodha ya kazi zote za kuchakata data zilizoanwa na kampuni husika chini ya kiungo hiki:

<https://www.toolsforhumanity.com/processors>

Tunaweza kupeana kazi ya kuchakata maelezo yako ya kibinafsi na/au kutuma maelezo yako ya kibinafsi kwa malengo ya kuhifadhiwa na wahusika wengine nje ya Korea:

kiwa hautaki kutuma maelezo yako ya kibinafsi nje ya nchi, unaweza kukataa kwa kutokubaliana na utumaji wa maelezo ya kibinafsi, au kwa kutuomba kusitisha utumaji nje ya nchi, lakini ukikataa, hautaweza kutumia huduma zetu. Msingi wa kisheria wa utumaji wa maelezo ya kibinafsi nje ya nchi ulio hapa juu ni kwamba inajumuisha “kazi iliyoanwa ya uchakataji au uhifadhi wa maelezo ya kibinafsi ambao ni wa muhimu katika kutatamisha na kutimiza mkataba wa mmiliki data” na masuala ya kisheria yamefichuliwa kwenye sera ya faragha (Kifungu cha 28-8(1)(iii) cha Sheria ya Ulinzi wa Maelezo ya Kibinafsi).

E.2 – Kuharibu Maelezo ya Kibinafsi

Wakati maelezo ya kibinafsi yanakuwa hayahitajiki kwa ajili ya kipindi cha uhifadhi kuisha au baada ya kufanikisha lengo la uchakataji, n.k. maelezo hayo ya kibinafsi yataharibiwa bila kuchelewa. Mchakato na mbinu ya kuharibu imebainishwa hapa chini:

- 1) Mchakato wa Kuharibu: Tunachagua vipengee fulani vya maelezo ya kibinafsi ambavyo vinaharibiwa, na kuviharibu kwa idhini ya DPO.
- 2) Mbinu ya Kuharibu: Tunaharibu maelezo ya kibinafsi yaliyorekodiwa na kuhifadhiwa kwa mfumo wa faili za kielektroniki kwa kutumia mbinu ya kiufundi (k.m. mfumo wa ngazi ya chini) ili kuhakikisha kwamba rekodi haziwezi kutolewa tena, huku maelezo ya kibinafsi yaliyorekodiwa na kuhifadhiwa kwa mfumo wa hati za makaratasi yanakatwa katwa au kuchomwa.

E.3 – Kuhifadhi Maelezo ya Kibinafsi

Ikiwa tunahitajika kuhifadhi maelezo yako ya kibinafsi kulingana na sheria husika, tutafanya hivyo kwa malengo yafuatayo na vipindi vifuatavyo inavyohitajika na sheria husika.

E.4 – Haki Zako

Unaweza kutumia haki zako zinazhusiana na maelezo ya kibinafsi dhidi yako, pamoja na ombi la kufikia, kurekebisha au kufuta, au uahirishaji uchakataji wa, maelezo yako ya kibinafsi kama ilivyobainishwa na sheria husika ikijumuisha Sheria ya Ulinzi wa Maelezo ya Kibinafsi. Pia unaweza kutekeleza haki yako ya kuondoa idhini ya kukusanya/kutumia/kupeana maelezo ya kibinafsi, haki ya kuhamisha, na haki zinazohusiana na ufanyaji maamuzi kiotomatiki. Haki hizo pia zinaweza kutekelezwa kupitia wawakilishi wako wa kisheria au watu wengine walioidhinishwa kikamilifu.

Unaweza kutekeleza haki zozote husika zilizoelzwa hapa juu kwa kuwasiliana nasi kwenye [Lango letu la Maombi](#).

E.5 – Hatua za Kiusalama

Tutatekeleza hatua za kiusalama za kiufundi, kimpangilio, na halisia zilizobainishwa na sheria husika za Korea ili kulinda maelezo ya kibinafsi, kama vile zile zilizoorodheshwa hapa chini:

- 1) Hatua za kiusimamizi: Uteuzi wa Afisa wa Ulinzi wa Data, uwekaji na utekelezaji wa mpango wa usimamizi wa ndani, mafunzo ya waajiriwa mara kwa mara kuhusu ulinzi wa data, n.k.;
- 2) Hatua za kiufundi: Usimamiaji mamlaka ya kufikia mfumo wa kuchakata maelezo ya kibinafsi, uwekaji mfumo wa kudhibiti ufikiaji, uwekaji mipango ya ulinzi, n.k.; na
- 3) Hatua halisia: Kuzuia ufikiaji vituo vya kuhifadhi maelezo ya kibinafsi na vifaa kama vile vyumba vya kompyuta na vyumba vya kuhifadhi data, n.k.

E.6 – Wasiliana Nasi

Ikiwa una maswali na maombi yanayohusiana na faragha na ulinzi wa data, tafadhali wasiliana na Timu yetu ya Ulinzi wa Data kwa anwani dpo@worldcoin.org.

NYONGEZA YA F – MAREKANI

Sheria ya Faragha ya Mtumiaji ya California, kama ilivyorekebisha na Sheria ya Haki za Faragha ya California, kwa sasa haitumiki kwetu.

AMBATISHO LA I – Misingi/malengo ya kisheria ya shughuli za Worldcoin za kuchakata data kwa kila eneo la mamlaka

Msingi wa Kisheria // Nchi Msingi wa Kisheria // Nchi	Uchanganuzi wa Programu Usio wa Lazima	Data za miamala	Eneo la kuonyesha vituo vya Orb	Takwimu za ulaghai na kuchakata metadata kwa ajili ya utendaji	Ulandanishaji wasiliani na nambari ya simu	Arifa za uwasilishaji
GDPR / GDPR UK	Idhini	Utekelezaji mkataba	Idhini	Nia Halali	Idhini	Idhini
Hong Kong	PDPO inahitaji tu ilani	PDPO inahitaji tu ilani	PDPO inahitaji tu ilani	PDPO inahitaji tu ilani	PDPO inahitaji tu ilani	PDPO inahitaji tu ilani
Singapoo	Idhini Inachukuliwa kuwa idhini kwa arifa Tukio maalum la kuboresha biashara	Idhini Inachukuliwa kuwa idhini kwa hitaji la kimkataba Inachukuliwa kuwa idhini kwa matendo Inachukuliwa kuwa idhini kwa arifa	Idhini Inachukuliwa kuwa idhini kwa arifa Tukio maalum la nia halali	Majukumu ya kisheria Tukio maalum la nia halali	Idhini	Idhini

Japani	Kauli ya APPI inahitaji pekee	Kauli ya APPI inahitaji pekee	Kauli ya APPI inahitaji pekee	Kauli ya APPI inahitaji pekee	Idhini	Idhini
Korea Kusini	Utekelezaji mkataba	Utekelezaji mkataba	Utekelezaji mkataba	Utekelezaji mkataba	Idhini	Idhini
Ajentina	Idhini	Utekelezaji mkataba	Idhini	Idhini (isipokuwa iwe kuna jukumu maalum la kisheria za eneo husika la kufanya hivyo, kama kwa mfano kutekeleza mchakato wa KYC, wakati ambapo msingi wa kisheria unaweza kuwa jukumu la kisheria)	Idhini	Idhini
Meksiko	Idhini	Idhini	Idhini	Idhini	Idhini	Idhini

TFHPS20240314